

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
MINISTARSTVO TRGOVINE,
TURIZMA I SAOBRAĆAJA

Broj: 05/1-02-17878/26
Tuzla, 04.06.2026. godine

Na osnovu člana 8. stav (2) Odluke o utvrđivanju uslova i kriterija, načinu i postupku raspodjele namjenskih sredstava prikupljenih po osnovu naknade za obavljene tehničke preglede vozila, broj: 02/1-23-13856/26 od 19.05.2026. godine, na prijedlog Komisije za ocjenu prispjelih prijava po javnom pozivu za dodjelu sredstava imenovane Rješenjem, broj: 05/1-30-17840/26 od 04.06.2026. godine, ministar trgovine, turizma i saobraćaja donosi

P R A V I L N I K
o utvrđivanju uslova, kriterija, načinu bodovanja i rangiranja u postupku raspodjele namjenskih sredstava prikupljenih po osnovu naknade za obavljene tehničke preglede vozila

Član 1.

(Predmet Pravilnika)

Pravilnikom o utvrđivanju uslova, kriterija, načinu bodovanja i rangiranja u postupku raspodjele namjenskih sredstava prikupljenih po osnovu naknade za obavljene tehničke preglede vozila (u daljnjem tekstu: Pravilnik) utvrđuju se uslovi, kriteriji, način bodovanja i rangiranja u postupku dodjele namjenskih sredstava za projekte iz oblasti saobraćaja i saobraćajne kulture - namjenska sredstva - potrošačka jedinica 22010001, Ministarstva trgovine, turizma i saobraćaja (u daljnjem tekstu: Ministarstvo).

Član 2.

(Način dodjele sredstava)

(1) Sredstva iz člana 1. ovog Pravilnika se dodjeljuju neprofitnim organizacijama (u daljnjem tekstu: aplikanti) koje će predložene projekte isključivo implementirati na području Tuzlanskog kantona (u daljnjem tekstu: Kanton).

(2) Sredstva iz člana 1. ovog Pravilnika dodjeljuju se u skladu sa planiranim sredstvima u Budžetu Tuzlanskog kantona za 2026. godinu i Zakonom o izvršenju budžeta Tuzlanskog kantona za 2026. godinu („Službene novine Tuzlanskog kantona“, broj: 18/25, 3/26 i 8/26).

Član 3.

(Pravo na dodjelu sredstava)

(1) Dodjela sredstava aplikantima vršit će se isključivo po Javnom pozivu za predlaganje projekata iz oblasti saobraćaja i saobraćajne kulture u iznosu od 40.000,00 KM, koji je objavljen na web stranici Vlade Tuzlanskog kantona i Ministarstva trgovine, turizma i saobraćaja 05.06.2026. godine.

(2) Pravo učešća na javnom pozivu imaju aplikanti koji su registrovani u Ministarstvu pravosuđa i uprave Tuzlanskog kantona, kao i aplikanti koji su registrovani u skladu sa zakonom na entitetskom ili državnom nivou, a koje će predložene projekte implementirati isključivo na području Tuzlanskog kantona.

Član 4.

(Razmatranje pristiglih prijava)

(1) Komisija će razmatrati i bodovati samo blagovremeno prispjele i potpune prijave.

(2) Komisija će uzeti u razmatranje prijave aplikanata, koji su uz aplikacioni obrazac priložili slijedeću dokumentaciju:

- a) Rješenje o upisu u Registar neprofitnih organizacija (udruženja, fondacija i drugih organizacija koje ne ostvaruju dobit, koje nisu pod nadležnošću vlade i čiji osnivač nije država) kod Ministarstva pravosuđa i uprave Tuzlanskog kantona ili drugog nadležnog organa u Bosni i Hercegovini (*original ili ovjerena kopija koja ne može biti starija od šest mjeseci, računajući unazad od dana objavljivanja javnog poziva*),
- b) Uvjerenje o poreznoj registraciji (*original ili ovjerena kopija koja ne može biti starija od šest mjeseci, računajući unazad od dana objavljivanja javnog poziva*),
- c) Projekat za koji se traži sufinansiranje, ovjeren i potpisan od strane podnosioca, koji mora da sadrži sljedeće:
 - naziv i opis projekta,
 - oblast saobraćaja na koju se odnosi projekat,
 - ciljeve projekta,
 - vrste aktivnosti koje će se provesti da bi se postigli postavljeni ciljevi,
 - podatke o uključenosti i broju volontera na projektu,
 - naziv partnera - druga neprofitna organizacija ili institucija iz javnog sektora sa dokazom o partnerstvu (ugovor i slično), ukoliko postoji partnerstvo,
 - očekivane rezultate projekta,
 - rok realizacije projekta;
 - budžet projekta razrađen prema aktivnostima projekta;
 - specifikaciju troškova sa visinom sredstava koja se potražuju od Ministarstva, vlastita sredstva ili druge izvore finansiranja projekta (navesti detaljnu specifikaciju). Pravdanje dodjeljenih sredstava će se vršiti u skladu sa predviđenim troškovima u budžetu projekta.

(3) Prijavljeni projekti aplikanata neće se uzeti u razmatranje ukoliko:

- prijedlog projekta nije iz oblasti saobraćaja na koje se odnosi ovaj Javni poziv,
- dovoljno ne razrade projekat,
- su projekti i aktivnosti napravljeni samo u korist članova udruženja,
- projekti sadrže vjerske ciljeve i aktivnosti ili se tim projektima želi vršiti edukacija ili propaganda usmjerena samo na određene vjerske skupine,
- imaju administrativne troškove na projektu veće od 30% vrijednosti ukupnog budžeta projekta,
- nisu dostavili ili su neblagovremeno dostavili izvještaj o utrošku sredstava koja su im ranije dodijeljena u skladu sa potpisanim ugovorima,
- nisu opravdali dodijeljena finansijska sredstva, u potpunosti ili djelimično, a koja su im odobrena u skladu sa potpisanim ugovorom za prethodnu godinu.

Član 5.

(Težinski koeficijenti za raspodjelu sredstava)

Sredstva se raspodjeljuju za projekte iz oblasti saobraćaja koji se odnose na određene oblasti, a na osnovu „težinskih“ koeficijenata, kako slijedi:

Red.br.	Oblast na koju se odnosi projekat	Težinski koeficijent (TK)
1.	<ul style="list-style-type: none">- Povećanje nivoa bezbjednosti saobraćaja- Unapređenje vršenja kontrole tehničke ispravnosti vozila na stanicama tehničkog pregleda	1

2.	Unapređenje nivoa usluge kod prijevoza putnika	0,9
3.	Edukacija djece u predškolskom i školskom uzrastu iz oblasti saobraćajne kulture i poznavanja saobraćajnih propisa	0,8
4.	Promocija i organizacija biciklističkih, auto i moto utrka i manifestacija	0,7
5.	Edukacija vozača po pitanju zaštite čovjekove okoline i smanjenja emisije izduvnih gasova	0,6
6.	Obilježavanje značajnih datuma iz oblasti saobraćaja (dan vozača i automehaničara, dani bez vozila i sl.) i drugi projekti	0,5

Član 6.

(Bodovni kriteriji za raspodjelu sredstava)

(1) Kriteriji i uslovi na osnovu kojih će se izvršiti bodovanje i sačiniti prijedlog raspodjele sredstava, te broj bodova koji se može dodijeliti, utvrđuje se kako slijedi:

Red. br.	Kriterij	Uslovi	Bodovni kriterij (BK)
1.	Veličina ciljne grupe	- više od 1000 - od 101-1000 - do 100	10 5 1
2.	Rok realizacije Projekta	-u roku od 3 mjeseca -od 4 do 6 mjeseci -od 7 do 12 mjeseci	10 5 1
3.	Broj uključenih volontera	- više od 10 - od 6 do 10 - od 1 do 5 - 0	10 5 1 0
4.	Partnerski odnos sa drugom neprofitnom organizacijom ili institucijom iz javnog sektora u realizaciji projekta	- ima - nema	10 0
5.	Veći udio u finansiranju projekta iz vlastitih sredstava ili drugih izvora.	-više od 51 % -od 31 do 50 % -od 11 do 30 % -od 1 do 10 % -0 %	20 10 5 1 0
6.	Teritorijalna zastupljenost na području TK	-na području TK (sve općine/gradovi) - od 11 do 12 općina/gradova - od 6 do 10 općina/gradova - od 2 do 5 općina/gradova -u jednoj općini	20 10 5 3 1
7.	Projekat koji promovira ciljeve Ministarstva u oblasti sigurnosti saobraćaja i veći kvalitet usluge prijevoza ili promovira alternativne vidove prijevoza sa ciljem smanjenja broja vozila na cestama i zagađenja životne sredine Opšta ocjena o uticaju projekta na oblast na koju se odnosi projekat	-veliki uticaj -srednji uticaj -manji uticaj	11 - 20 5 - 10 1 - 4

(2) U slučaju da po navedenim kriterijima ne budu raspoređena sva raspoloživa sredstva, Komisija će izvršiti linearno povećanje dobijenih iznosa jednakim procentom povećanja za svaki projekat.

Član 7.

(Određivanje iznosa sredstava i postupanje Komisije nakon izvršenog bodovanja)

(1) Iznos sredstava koji će biti odobren za sufinansiranje pojedinog projekta izračunava se na način da se ukupan broj bodova (UB) pomnoži iznosom traženih sredstava (TS) (ukoliko je iznos traženih sredstava veći od maksimalnog iznosa koji se može odobriti za jedan projekat po Javnom pozivu, tada se iznos traženih sredstava u formuli uzima u iznosu od 4.000,00 KM) i dijeli sa brojem 100.

$$IS = \frac{TS \times UB}{100} (KM)$$

IS= Iznos sredstava koji će biti odobren za sufinansiranje pojedinog projekta

TS=Tražena sredstva

UB=Ukupan broj bodova

(2) Ukupan broj bodova (UB) se utvrđuje na slijedeći način:

$$UB = (TK \times BK_{1-6}) + BK_7(\text{bodova})$$

TK= Težinski koeficijent iz člana 5. ovog Pravilnika

BK₁₋₆= Bodovni kriterij (za kriterije pod red. br. 1-6) iz člana 6. ovog Pravilnika

BK₇= Bodovni kriterij (za kriterij pod red.br. 7) iz člana 6. ovog Pravilnika

(3) Ukoliko prilikom bodovanja na način koji je uvrđen u st. (1) i (2) ovog člana, ukupan zbir utvrđenih iznosa sredstava po svim predloženim projektima bude iznad ukupne vrijednosti od 40.000,00 KM, vrši se linearno smanjivanje dobijenih iznosa jednakim procentom smanjenja za svaki projekat, dok se ne dođe do toga da zbir utvrđenih iznosa za sve projekte bude u okviru predviđenog iznosa od 40.000,00 KM.

(4) Na osnovu provedenog postupka, bodovanja i utvrđenih okolnosti, Komisija je dužna sačiniti preliminarnu listu sa nazivom aplikanta, nazivom projekta i predloženim iznosima sredstava, te listu aplikanata čije su prijave neblagovremene, nepotpune i neosnovane.

(5) Komisija je dužna preliminarnu listu i listu aplikanata čije su prijave neblagovremene, nepotpune i neosnovane objaviti na web stranici Vlade Tuzlanskog kantona i web stranici Ministarstva.

(6) Rok za prigovor na preliminarnu listu i listu aplikanata čije su prijave neblagovremene, nepotpune i neosnovane je pet dana od dana objave.

(7) Nakon isteka roka za prigovore i rješavanja istih, Komisija je dužna sačiniti prijedlog Odluke o utvrđivanju konačne liste o odobravanju finansijskih sredstava korisnicima sa iznosima i namjenom, koju donosi Ministar.

(8) Odluka iz stava (7) se objavljuje na web stranici Vlade Tuzlanskog kantona i web stranici Ministarstva.

Član 8.

(Stupanje na snagu Pravilnika)


Pravilnik stupa na snagu danom donošenja.

Dostavljeno:

3x Članovi komisije

1x Sekretar komisije

1x a/a



MINISTAR

Almir Žilić, dipl.ecc